



Broj: 101-1-2736/22

Datum: 15.9.2022. godine

Na osnovu člana 70. stav (1) Zakona o javnim nabavkama („Službeni glasnik BiH“, broj 39/14), članom 27. stav (2) Pravilnika o javnim nabavkama Univerziteta „Džemal Bijedić“ u Mostaru broj: 101-1-1638/17, rektorica Univerziteta „Džemal Bijedić“ u Mostaru, donosi

ODLUKU

o izboru najpovoljnijeg ponuđača u postupku javne nabavke „Razvoj modula informacijskog sistema e-evaluacije, te praćenja i jačanja saradnje sa ALUMNI studentima i okruženjem“

I

Prihvata se konačna ponuda ponuđača „**BREAKPOINT d.o.o.**“, Trg Ivana Krndelja bb, 88000 Mostar, broj ponude: 105-09/22, u postupku provođenja javne nabavke putem pregovaračkog postupka bez objave obavještenja o nabavci za nabavku usluga razvoja modula informacijskog sistema e-evaluacije, te praćenja i jačanja saradnje sa ALUMNI studentima.

II

Ugovor za javnu nabavku usluga dodjeljuje se ponuđaču iz tačke I ove Odluke, sa ukupnom cijenom u iznosu od 21.400,00 KM bez PDV-a.

III

Plaćanje odabranom ponuđaču vrši se iz sredstava Univerziteta „Džemal Bijedić“ u Mostaru, sredstva doznačena na osnovu projekata odobrenih za sufinansiranje od strane FMON za unapređenje procesa studentske evaluacije i kvaliteta nastavnog procesa na Univerzitetu, te za unaprijeđenje saradnje sa ALUMNI studentima i poslovnim okruženjem, u skladu sa uslovima iz Ugovora.

IV

Ova Odluka objavljuje se na web stranici Univerziteta, www.unmo.ba istovremeno sa upućivanjem obavještenja ponuđaču koji su učestvovali u postupku javne nabavke.

V

Obavještenje o dodjeli ugovora i Izvještaj o provedenom postupku objavljuje se u skladu sa članom 74. i 75. Zakona o javnim nabavkama („Službeni glasnik BiH“, broj 39/14).

VI

Ova Odluka stupa na snagu danom donošenja.

Obrazloženje

Odlukom broj: 101-1-2462/22 od 21.7.2022. godine pokrenut je postupak javne nabavke usluga pod nazivom: „Razvoj modula informacijskog sistema e-evaluacije, te praćenja i jačanja saradnje sa ALUMNI studentima i okruženjem“. Komisija za provođenje postupka javne nabavke imenovana je Odlukom broj: 101-1-2463/22 od 21.7.2022. godine.



Predmet nabavke su usluge razvoja informacijskog softvera eUNMO Univerziteta „Džemal Bijedić“ u Mostaru, odnosno razvoja novih modula za e-evaluaciju i praćenje diplomata na tržištu rada i saradnja sa poslovnim okruženjem, pri čemu je predložena nabavka planirana dopunom Plana javnih nabavki za 2022. godinu, realno je procijenjena njena vrijednost na tržištu, osigurana su sredstva za isplatu i predložena je odgovarajuća vrsta postupka.

Budući da za licencirani softver bez isporuke izvornog koda (eng. source code) koji posjeduje samo jedna IT kompanija, odnosno Breakpoint d.o.o. Mostar, Univerzitet kao ugovorni organ može provesti jedino pregovarački postupak bez objave obavještenja sa jednim ponuđačem, u skladu sa članom 21. c) Zakona o javnim nabavkama koji određuje da ugovorni organ izuzetno može ugovor o nabavci dodjeljivati putem pregovaračkog postupka bez objave obavještenja o nabavci u sljedećim slučajevima: *“...c) kada se iz suštinskih, dokazivih tehničkih ili umjetničkih razloga, ili iz razloga koji se odnose na zaštitu ekskluzivnih prava, ugovor može dodijeliti samo određenom ponuđaču”*. Činjenica da je samo jedna kompanija vlasnik izvornog koda znači da isti ima isključiva ekskluzivna prava, jer navedena prava nije prenio na treće osobe.

Zbog navedenih činjenica otvoreni postupak pokazao bi da ponuđači u eventualnom predmetnom postupku izvorni kod bi morali kupiti od vlasnika izvornog koda i pri tome uključiti u ponudu svoj iznos dobiti, čime se ni na koji način ne povećava transparentnost i konkurentnost u predmetnoj nabavci odnosno dobija veća cijena za tražene usluge, Univerzitet kao ugovorni organ proveo je pregovarački postupak bez objave obavještenja sa navedenim dobavljačem za nabavku usluge, odnosno razvoj dva nova modula informacijskog softvera eUNMO, u cilju povećanja sistema osiguranja kvaliteta i jačanja mobilnosti i internacionalizacije Univerziteta.

Informacija o pregovaračkom postupku bez objave obavještenja o nabavci je objavljena na web stranici Univerziteta (www.unmo.ba) dana 21.7.2022. godine zajedno sa upućivanjem Tenderske dokumentacije u fazi pretkvalifikacije kandidata u pregovaračkom postupku bez objave obavještenja o nabavci. Krajnji rok za dostavu i prijem ponude je bio 22.8.2022. godine u 12:00 sati. Dana 22.8.2022 godine u 09:40 sati dostavljena je ponuda u fazi pretkvalifikacije ponuđača „BreakPoint“ d.o.o. Mostar.

Nakon završene provjere kvalifikacije ponuđača i ocjene ponuda Komisija je jednoglasno konstatovala da ponuda ponuđača Breakpoint d.o.o. Mostar ispunjava sve uslove tražene tenderskom dokumentacijom i da se ponuđač kvalifikuje za dalju fazu postupka.

Komisija koja je provodila predmetni postupak javne nabavke je nakon dostavljene početne ponude, te obavljenih pregovora jednoglasno ocijenila kako je ponuda ponuđača „BreakPoint“ d.o.o. prihvatljiva iz razloga što je u potpunosti u skladu s uslovima postavljenim u tenderskoj dokumentaciji, unutar je osiguranih finansijskih sredstava za ovaj predmet nabavke, te je ponuđač dao i određene pogodnosti. Na osnovu svega naprijed navedenog, a u skladu sa prijedlogom Komisije za javnu nabavku, Ugovorni organ donosi Odluku o izboru najpovoljnijeg ponuđača, te se Ugovor za nabavku usluga dodjeljuje ponuđaču „**BreakPoint“ d.o.o.** Trg Ivana Krndelja bb, 88000 Mostar, sa ukupnom cijenom ponude u iznosu od **21.400,00 KM bez uračunatog PDV-a**, odnosno **25.038,00 KM s uračunatim PDV-om**.

U cilju transparentnosti i objavljivanja pravovremenih i relevantnih informacija sačinjen će se Obavještenje o provedenom pregovaračkom postupku koje se objavljuje na web stranici Univerziteta.

**Pouka o pravnom lijeku:**

Protiv ove Odluke može se izjaviti žalba Ugovornom organu najkasnije u roku od 10 (deset) dana od dana objave dobrovoljnog ex ante obavještenja o transparentnosti ili 30 (trideset) dana od dana objave obavještenja o dodjeli ugovora, u pisanoj formi u tri primjerka.



prof. dr. Alena Huseinbegović

Dostaviti:

1. Ponuđaču
2. Web stranica
3. Arhiva javnih nabavki
4. a/a